

**VAŠ IZBOR,  
VAŠA BUDUĆNOST**



**INTERNACIONALNI  
UNIVERZITET U SARAJEVU**

[www.ius.edu.ba](http://www.ius.edu.ba)



**INTERNACIONALNI  
UNIVERZITET U SARAJEVU**

**[www.ius.edu.ba](http://www.ius.edu.ba)**

# SADRŽAJ

REKTOROVA PORUKA

ZAŠTO IUS?

UŽIVAJTE U KULTURI, PRIRODI, RAZNOLIKOSTI I OBRAZOVANJU

OTKRIJTE NAŠE VRIJEDNOSTI

IUS KAMPUS

STUDENSKI DOMOVI

UČITE KROZ PRAKSU

MEĐUNARODNI PROGRAMI ZA STICANJE DVOJNIH DIPLOMA

BUDITE AKTIVNI, DRUŠTVENO KORISNI I SVESTRANI

RIJEČI NAŠIH STUDENATA

VAŠ BUDUĆI PROFESIONALNI PUT - NAŠI USPJEŠNI ALUMNISTI

STUDENTI NA RAZMJENI

KAKO POSTATI STUDENT IUS-A?

ENGLESKI JEZIK KAO USLOV ZA UPIS

PREDSTAVLJAMO NAŠE PROGRAME



**[www.ius.edu.ba](http://www.ius.edu.ba)**



**[/IUSEnglish](https://www.facebook.com/IUSEnglish)**



**[/iussarajevo](https://twitter.com/iussarajevo)**



**[/iussarajevo](https://www.instagram.com/iussarajevo)**



**[/IUSBosnia](https://www.youtube.com/IUSBosnia)**



**[/school/international-university-of-sarajevo/](https://www.linkedin.com/school/international-university-of-sarajevo/)**

# REKTOROVA PORUKA



Poštovani učenici,

Svaka generacija suočava se sa testom snage uma i volje, a u vašem slučaju to je pandemija koja će i dalje utjecati na vaše živote u doglednoj budućnosti. Vještine koje sada steknete poput mentalne i psihološke spretnosti, širokog razumijevanja načina učenja te fleksibilnosti prilagođavanja datim okolnostima, promijenit će vaše kapacitete i dat vam novi pogled na svijet. Iz niza razloga, mnogi od vas imaju pitanja i nedoumice za svoju budućnost, uključujući i to da li je univerzitetsko obrazovanje i dalje neophodno za vašu budućnost ili koji je univerzitet pravi izbor za tu budućnost.

Ne postoje tačni i brzi odgovori, ali dok razmišljate o ovim pitanjima morate imati na umu istinu a to je da univerzitetsko okruženje nije jedino mjesto za stjecanje znanja. Pojavom online tehnologije koja je dala priliku za samoobrazovanjem, svaki predani student može uspješno steći određena znanja i vještine. Vodeći se ovom tvrdnjom postavlja se pitanje zašto onda uopće studirati na univerzitetu? Dat ću vam četiri razloga o kojima trebate promisliti:

- U doglednoj budućnosti diploma će i dalje biti najlakši ključ za ostvarivanje stabilne karijere.

- Tokom studija stvorit ćete svoju buduću mrežu poznanstava koja će vam biti spas kada god budete trebali kontakt ili informaciju, da li u profesionalne ili lične svrhe. Društvene i korporativne veze koje stvarate stažiranjem i radom na projektima tokom studija pomoći će vam da utabate taj put.

- Iako se teorijske osnove znanja mogu steći kroz više izvora, praktičnim radom u laboratorijima, radionicama, i drugim projektima, pružit će vam osnovu za zapošljavanje.

- U bilo kojem radnom okruženju, kako danas tako i u budućnosti, biti sposoban za rad u timovima, lako se prilagoditi međunarodnom okruženju, preuzimati odgovornosti, kao i usmjeravanje, iznošenje i opovrgavanje argumenata i drugih izuzetno važnih intelektualnih i organizacijskih vještina, nije moguće naučiti iz većine online izvora .

Nalazite se na raskrsnici puteva zajedno sa ostatkom svijeta i vaš izbor nije lak. Dobro razmislite i odaberite put razuma. Najvažnije je da vodite računa o svojoj fizičkoj, mentalnoj i društvenoj dobrobiti.

S poštovanjem,

Ahmet YILDIRIM  
Rektor

# ZAŠTO IUS?



## Vaš put ka boljoj budućnosti!

Opredijelite se za kvalitetno obrazovanje u srcu Evrope.

## Uz IUS do izvrsnosti!

Rangiran prema The Times Higher Education (THE) University Impact ranking, IUS se nalazi u prvih 200 od 500 najboljih univerziteta na svijetu.



## Upoznajte svijet!

- Studirajte zajedno sa studentima iz preko 45 zemalja.
- Provedite semestar na jednom od 170+ partnerskih univerziteta putem programa studentske razmjene.
- Upoznajte studente iz svih krajeva svijeta koji dolaze na IUS zahvaljujući Erasmus+ i Mevlana programima razmjene.
- Budite dio programa sticanja dvojnih diploma.

# OTKRIJTE NAŠE VRIJEDNOSTI



## Slijedeći principe osiguranja kvalitete, IUS:


- posjeduje akreditaciju Agencije za razvoj visokog obrazovanja i osiguranje kvaliteta Bosne i Hercegovine;
- posjeduje međunarodnu akreditaciju Austrijske agencije za osiguranje kvaliteta i akreditaciju (AQ Austria, punopravne članice ENQA) za dio svojih studijskih programa;
- posjeduje institucionalnu akreditaciju i priznanje Vijeća za visoko obrazovanje Turske (YOK);
- je pridružena članica Internacionalne asocijacije univerziteta (IUA);
- je dio evropskog sistema prijenosa kredita/bodova (ECTS);
- ima punu EAQUALS akreditaciju Škole engleskog jezika;
- upošljava visokokvalifikovano akademsko i administrativno osoblje;



Ponosni smo na naše vrijednosti i čekamo vas da ih zajedno promovišemo!

- Izvrsnost u obrazovanju
- Visoko obrazovanje prema međunarodnim standardima
- Interdisciplinarni programi
- Izvrsnost u istraživačkom djelovanju
- Sloboda govora
- Interkulturalnost
- Socijalna inkluzija





# IUS KAMPUS

# STUDENTSKI DOMOVI

**Lokacija:** Smješten izvan gradske vreve, na površini od 72,000m<sup>2</sup>, IUS Kampus se nalazi veoma blizu historijskog izvorišta rijeke Bosne (Vrelo Bosne) po kojoj je ovaj dio Balkana i dobio ime.

**Dostupnost:** Da biste stigli do Kampusu, možete ići tramvajem br.3, 4 ili 6 do Ilidže. Kampus je od tramvajskog stajališta udaljen samo 10 minuta šetnje ili 5 minuta vožnje autobusima koji voze na relaciji Ilidža-Hrasnica ili Ilidža-Sokolović Kolonija. Javni prijevoz je dostupan svakim danom od 05:00 do 00:00 a u zimskim mjesecima IUS nudi mogućnost besplatnog prijevoza do Ilidže.

**Zdravstvene usluge:** Ambulanta otvorena i na usluzi svakim radnim danom.

**Sigurnost:**

- Zatvoreni sistem nadzora i kontrole 24/7;
- Fizičko obezbjeđenje 24/7;
- Sistem ulaska na Kampus isključivo sa akreditacijom/karticom.

**Biblioteka:** Biblioteka IUS-a posjeduje bogat fond udžbenika, rječnika, referentnih knjiga, priručnika i printanih časopisa iz svih naučnih oblasti. Ugovorom o međusobnoj saradnji između IUS-a i Nacionalne i univerzitetske biblioteke Bosne i Hercegovine (NUBBiH) osigurana je upotreba bibliotekskih servisa i usluga ove biblioteke.

**Sportsko-rekreativni tereni:** sportska dvorana, fitness sala, vanjski tereni za košarku, nogomet i rekreaciju

Dva studentska doma, muški i ženski, smješteni unutar Kampusu nude siguran i komforan smještaj. Neke od usluga koje su na raspolaganju su:

- Dvokrevetnim, trokrevetnim, četverokrevetnim i peterokrevetnim sobama;
- Zasebno kupatilo
- Doručak
- Kuhinja za pripremu obroka
- Vešeraj
- Prostorije za učenje
- Biblioteka
- Wi-Fi
- Bezbjednost zatvorenog kampusu 24/7

**Vrtić za djecu:** Predškolska ustanova „KidIUS“, za uzrast od 0 do 6 godina, otvorena je i na usluzi svakim radnim danom od 06:45 do 18:00.

**Kafeterije i restoran:** 3 kafeterije i studentski restoran koji nude bogatu ponudu toplih napitaka, osvježavajućih pića te bogat jelovnik bosanske i međunarodne kuhinje.

**Umjetnička galerija:** umjetnički prostor koji studentima i nastavnom osoblju pruža visokokvalitetne izložbe i umjetničke događaje s ciljem obogaćenja njihovog obrazovnog iskustva i znanja.

# UČITE KROZ PRAKSU

Obrazovni model kojeg zastupa IUS je učenje kroz praksu. Već od prve godine studija, svi studenti:

- uče kroz rad u grupama, prezentacije, izrade portfolija i vježbi u studiju;
- stiču osnove znanja iz oblasti svojih studija kroz praktične vježbe u laboratorijama;
- se pripremaju za svoje buduće profesije kroz učešća u raznim projektima.

Studenti također imaju prilike da razvijaju svoje vještine kroz radionice, stažiranje i volontiranje kako bi unaprijedili svoje mogućnosti zapošljavanja.



## Laboratorije:

- Istraživačko-razvojni centar, koji se prostire na 1500m<sup>2</sup>, se sastoji od laboratorija za bioinženjering i genetiku, hemiju, fiziku, mehatroniku, elektroniku;
- Telekomunikacijske laboratorije;
- Kompiuterske laboratorije;
- Arhitektonske laboratorije sa tri CNC mašine;
- Opremljen studio za produciranje filmova i živo emitovanje;
- Laboratorija za ekonomske nauke.

## Centri:

- IUS Life – Centar za cjeloživotno učenje
- Istraživačko-razvojni centar
- Centar za psihološko savjetovanje
- Centar za balkanske studije
- Centar za poduzetništvo i upravljanje

# MEĐUNARODNI PROGRAMI ZA STICANJE DVOJNIH DIPLOMA

IUS realizuje međunarodne programe za sticanje dvojnih diploma za dodiplomski studij (Zajednički program) u saradnji sa dva prestižna univerziteta u Turskoj: Tehnički univerzitet u Istanbulu (ITU) i Istanbul Univerzitet (IU).

Zajednički programi podrazumijevaju da će studenti nakon završene prve dvije godine studija na IUS-u, svoje obrazovanje nastaviti na jednom od dva partnerska univerziteta, te će nakon diplomiranja dobiti diplome oba univerziteta.

Ovo je odlična prilika za sve studente koji žele da studiraju u dvije različite zemlje i dobiju dvojne diplome, kao i da upoznaju kulturu, jezik i običaje druge zemlje.

Zajednički studijski programi IUS-a i ITU-a:

- **Arhitektura**
- **Mašinstvo**
- **Elektrotehnika i elektronika (komunikacije)**
- **Ekonomija**

Zajednički studijski programi IUS-a i IU-a:

- **Političke nauke i međunarodni odnosi**
- **Ekonomija**
- **Menadžment – biznis**



U realizaciji Zajedničkog programa se primjenjuju važeća pravila studiranja univerziteta gdje student pohađa datu studijsku godinu.

Zajednički programi se realiziraju na engleskom jeziku. Školarina za prve dvije studijske godine se plaća IUS-u dok se školarina na IU/ITU za treću i četvrtu godinu studija plaća u skladu sa važećim propisima partnerskog univerziteta.

# BUDITE AKTIVNI, DRUŠTVENO KORISNI I SVESTRANI



## Studentski klubovi

Pored savremenog obrazovanja IUS promovira i lični razvoj studenta te nudi brojne sportske, umjetničke, političke i naučne klubove kojima se možete pridružiti. Neki od najaktivnijih klubova su: IUS Charity klub, IPSA klub studenata psihologije, IUS Model UN klub, košarkaški klub IUS Blue Wolves, DEVIUS klub programera, planinarski klub IUS Trekking i drugi.



## Civilno društvo

Kao društveno odgovorna institucija, IUS se ponosi činjenicom da su naši studenti učestvovali u mnogim inicijativama civilnog društva a taj aspekt i dalje želimo unaprijeđivati. Neki od projekata u kojima redovno učestvujemo su:

- Projekti pomoći u slučajevima prirodnih nesreća
- Projekti podrške sirotištima
- Projekti podrške domovima za stara i iznemogla lica
- Projekti volontiranja u bolnicama
- Projekti pomoći migrantskoj populaciji
- Projekti pomoći i podrške socijalno ugroženim licima



## Cjeloživotno učenje

Prilike za cjeloživotno učenje u vidu konferencija, radionica, seminara, obuka i kurseva su svakodnevne. Od studenata se očekuje da iskoriste date prilike i trasiraju svoj profesionalni put kao i da razviju svoje intelektualne vještine te da razviju mrežu koja će im omogućiti profesionalni razvoj. Također, naš Centar za cjeloživotno učenje organizuje certificirane programe obuke u raznim područjima poput intenzivne obuke za CNC operatere/programera, uvoda u termografiju, osnove procesne kalibracije, vikend kurseve optike, Geštalt psihoterapije, kurseve knjigovodstva i računovodstva, kurseve stranih jezika: engleski, arapski, turski, francuski i drugih.



# RIJEČI NAŠIH STUDENATA



**Emina Fajić**  
Elektrotehnika i elektronika

IUS je uvijek jedan korak ispred drugih univerziteta jer pored kvalitetnog obrazovanja nudi i brojne mogućnosti za unaprijeđivanje. Jedna od tih mogućnosti je i Erasmus+ program studentskih razmjena, gdje je studentima data prilika da iskuse kako je studirati i živjeti u drugoj državi, što je meni lično donijelo prelijepa iskustva.

**Enes Serkan Akinci**  
Međunarodno  
poslovanje i finansije



IUS pruža sjajnu priliku da oblikujete svoju budućnost i unaprijedite svoje vještine što je možda i najbolji razlog da odaberete upravo IUS. Također, možete upoznati i družiti se sa osobama koje nisu iz vaše države pa tako imate mogućnost da spoznate nove kulture, tradicije i naučite nove jezike. Dok pričate i učite na engleskom, vi postajete internacionalni student. Ja mogu reći da je IUS ispunio sva moja očekivanja.



**Husein Djedović**  
Genetika i bioinženjering

IJa sam odabrao IUS jer sam želio biti dio raznolike studentske populacije. Svijet je ogroman i mišljenja sam da će me dobar univerzitet pripremiti za život u stvarnom svijetu. Moj univerzitet ima dobar tehnički fakultet i želja mi je bila da učim od najboljih. Cilj mi je za vrijeme studija stvoriti maksimalne mogućnosti za svoj put nakon diplomiranja.

**Mirnes Mešanović**  
Društvene i političke nauke

Kada sam prvi put zakoračio na IUS, osjetio sam da tu i pripadam. Dvije godine kasnije se nisam pokajao što sam donio odluku da studiram na IUS-u jer se ispostavilo da je ova institucija mnogo više od onoga što sam očekivao. Na IUS-u sam definisao svoju željenu profesiju i trasirao put za svoju budućnost. Ljude koje sam upoznao na IUS-u su postali moja druga porodica.



**Zümra Cengiz**  
Psihologija

Na IUS-u gradim sebe i ostvarujem svoje snove. IUS porodica je stalno uz mene i moja je najveća podrška. Takvo nevjerovatno iskustvo mi omogućava da upoznam ljude iz cijelog svijeta jer je upravo IUS mjesto koje ih okuplja.



# VAŠ BUDUĆI PROFESIONALNI PUT

## Zajedničkim snagama trasirajmo vaš karijerni put!

Centar za razvoj profesionalne karijere (SCC) je mjesto koje nudi usluge i programe koji pomažu studentima u procesu razvoja njihovih karijera i ta podrška je prisutna i nakon što student diplomira. Zajedno sa studentima unaprjeđujemo njihove vještine i podstičemo ih da ustraju u svojim ciljevima. Motiviramo studente da budu nosioci svog karijernog puta! Pronalazimo prakse, poslove i stipendije našim studentima i usmjeravamo ih na daljnja školovanja.

## NAŠI USPJEŠNI ALUMNISTI

### Kerem Kızıltaş

Vizualne umjetnosti i dizajn  
vizualnih komunikacija

Ako se opredijelite za studij na IUS-u, vaša diploma će biti priznata i cijenjena gdje god se zaposlite. IUS ima visokokvalitetan i savremen obrazovni sistem na kojem možete odabrati širok spektar predmeta. Studentima se nudi prilika da razviju svoje vještine, znanja, kritička razmišljanja i stvore profesionalna poznanstva, što je meni znatno olakšalo kod zapošljavanja.



### Rialda Spahić

Računarske nauke i inženjering

Ja sam završila dodiplomski i postdiplomski studij Računarskih nauka i inženjeringa na IUS-u. Trenutno radim u Norveškoj za jednu od najvećih energetske kompanije kao IT analitičar. Također, upisala sam doktorski studij iz oblasti kibernetike. Međutim, ova priča počinje dosta ranije, kada sam kao srednjoškolic posjetila IUS i uvidjela da je upravo to pravo mjesto za mene – međunarodno okruženje i sjajna ponuda programa!



### Dr. Ines Stević

Genetika i bioinženjering



Još od malih nogu gajim ljubav za naukom. Pristupila sam testiranju za stipendije na IUS-u i tako otpočinjne moj studij na programu Genetika i bioinženjering. Ubrzo sam shvatila da je to bila najbolja odluka koju sam donijela jer su sva predavanja bila na engleskom jeziku a i profesori su nam došli sa uglednih svjetskih univerziteta. Nakon što sam magistrirala na IUS-u i odradila praksu na Institutu za genetički inženjering Sarajevo (INGEB), javio se interes za biologiju kancera. Preselila sam se u Hamburg, Njemačka, gdje sam završila doktorski studij. Radila sam na Institutu za biologiju tumorskih ćelija na Univerzitetsko-medicinskom centru Eppendorf u Hamburgu (UKE). Zaista sam sretna što se moja želja da radim na istraživanju kancera ostvarila i što sam dobila priliku da radim na tako velikom Institutu.

### Emina Učambarlić

Genetika i bioinženjering

Moje interesovanje za nauku je počelo tokom srednje škole. Dvije godine kasnije počela sam studirati Genetiku i bioinženjering na IUS-u i tu sam se potpuno zaokupila svijetom nauke. Tokom studija na IUS-u zanimalo me je sticanje dodatnog iskustva u inozemstvu, pa sam jedan semestar provela u Turskoj kao student na razmjeni na Srednjoistočnom Tehničkom Univerzitetu u Ankari. Trenutno magistriram iz molekularne medicine i inovativnog liječenja na Univerzitetu Groningen u Nizozemskoj. Studiranje na IUS-u je važno i lijepo razdoblje mog života. Najvažnija sjećanja koja nosim su ona od ljudi kojima sam bila okružena.





# STUDENTI NA RAZMJENI

## Istražite svijet

Okupljajući studente i osoblje iz različitih dijelova svijeta na jednom mjestu, IUS razumije važnost multikulturalnosti koju realizuje kroz programe mobilnosti. Studenti IUS-a se podstiču da provedu najmanje jedan semestar na partnerskim univerzitetima izvan BiH, dok u isto vrijeme IUS postaje domaćin sve većeg broja studenata koji dolaze na razmjenu iz inostranstva.

IUS je vodeća visokoškolska institucija u BiH u omjeru realizovanih razmjena i broja studenata a Ured za međunarodnu saradnju (IRO) IUS-a pruža svu podršku za učešće u Erasmus+ i Mevlana programima razmjene. Do sada je IUS realizovao preko 1000 razmjena na više od 100 partnerskih univerziteta širom Evrope i taj broj raste iz semestra u semestar. Također, IUS realizuje i nestipendirane razmjene studenata na individualnom nivou gdje je studentima omogućeno da provedu jedan ili dva semestra na nekom od svjetskih univerziteta.

## Iskustva naših studenata

**Saira Tanković i Benjamin Jurić**  
Računarske nauke i inženjering

Naša Erasmus+ razmjena na Univerzitetu Alexandru Cruz u Rumuniji nam je otvorila mogućnost da apliciramo i za stažiranje u istoj zemlji. To je jedna od najboljih odluka koje smo donijeli jer nam je to iskustvo otvorilo mnoge prilike za dodatno usavršavanje.



**Mujo Adžemović**  
Međunarodni odnosi

IUS mi je pružio sjajnu priliku da putem Erasmus+ programa provedem 3 mjeseca u Portugalu na Univerzitetu Fernando Pessoa i da tamo završim svoje istraživanje na temu humanitarne aktivnosti. Nikada nisam mogao zamisliti da ću živjeti u Portugalu i to tokom ljeta kada je i najljepše posebno u primorskom gradu Portu.

**Ahmed Tahir Koylu**  
Međunarodni odnosi

Moj semestar na razmjeni koji sam proveo na Tehničkom univerzitetu u Rigi, Latvija je bio moj najbolji period života! To vrijeme sam proveo upoznavajući nove prijatelje, kulture i tradicije. Također, zahvaljujući Erasmus+ stipendiji sam imao priliku putovati širom Evrope pa sam tako posjetio Litvaniju, Poljsku, Njemačku, Mađarsku, Češku, Estoniju i Rusiju.



**Bedrija Imamović**  
Arhitektura

Činjenica da sam putem Erasmus+ programa razmjene imala priliku da provedem semestar na najprestižnijem tehničkom univerzitetu u Turskoj, Middle East Technical University u Ankari, znači mnogo za moju buduću profesionalnu i akademsku karijeru. Ostala sam očarana veličinom kampusa i sadržajima i pogodnostima koje se nude studentima.



## ENGLISKI JEZIK KAO USLOV ZA UPIS

Sva nastava na IUS-u se odvija na engleskom jeziku pa je i uslov za sami upis poznavanje engleskog jezika, level B2.

IUS organizuje ispite iz engleskog jezika više puta godišnje. Obavezno je položiti dva ispita: Placement i Proficiency. Ispitima su obavezni pristupiti svi kandidati prije početka nastave u određenoj akademskoj godini.

Od polaganja ispita su oslobođeni kandidati koji imaju nešto od sljedećeg:

- TOEFL;
- IELTS (Academic) sa minimalno 6.0 poena;
- diplomu o završenoj srednjoj školi čija je nastava u potpunosti realizovana na engleskom jeziku (npr. IB, AICE, i sl.);
- dokaz o ostvarenih 60 ECTS bodova na nekom od univerziteta čija su predavanja na engleskom jeziku;
- dokaz kojim se potvrđuje da je engleski maternji jezik kandidata.

# PREDSTAVLJAMO NAŠE PROGRAME

## FAKULTET PRIRODNIH I TEHNIČKIH NAUKA (FENS)

Arhitektura	B	M	
Računarske nauke i inženjering	B	M	
Elektrotehnika i elektronika	B	M	D
Genetika i bioinženjering	B	M	D
Mašinstvo	B	M	D
Softverski inženjering	B	M	
Industrijski inženjering		M	D

## FAKULTET MENADŽMENTA I JAVNE UPRAVE (FBA)

Menadžment	B	M	D
Ekonomija	B	M	D
Međunarodno poslovanje i finansije	B	M	
Međunarodni odnosi	B	M	D

## FAKULTET UMJETNOSTI I DRUŠTVENIH NAUKA (FASS)

Vizualne umjetnosti i dizajn vizualnih komunikacija	B	M	
Psihologija	B	M	
Društvene i političke nauke	B	M	D
Engleski jezik i književnost	B	M	D
Kulturološke studije		M	D

## PRAVNI FAKULTET (FLW)

Pravo – opći smjer	B		
Komparativno javno pravo		M	
Komparativno privatno pravo		M	

## EDUKACIJSKI FAKULTET (FEDU)

Engleski jezik i književnost – nastavnički smjer	B	M	
Računarsko obrazovanje i obrazovne tehnologije	B	M	
Turski jezik i književnost – nastavnički smjer	B	M	

Bakalaureat/Magistarski studij

Bakalaureat/Magistarski studij



4 godine/ 8 semestara



Bakalaureat-inženjer arhitekture



240 ECTS

**arch.ius.edu.ba**

+387 33 957 200



7,500.00 BAM

**Zašto studirati Arhitekturu?**

Steknite teoretska i praktična znanja i vještine potrebne za projektovanje i izgradnju mjesta i prostora koje svakodnevno koristimo. Naučite razmatrati historijske probleme i probleme zaštite okoliša, te kombinujte to znanje sa upotrebom najnovijih materijala, tehnologija i sistema dizajniranja u svojim radovima. Razvijte svoje vještine kroz praksu u Sarajevu i okolini.

**Metode učenja**

Interdisciplinarni pristup nastavi, u saradnji sa ostalim odjelima univerziteta. Težimo da doprinesemo stvaranju održivog razvoja, te da potaknemo kritičko i kreativno razmišljanje u arhitektonskoj praksi.

**Karijera**

Gradite svoju karijeru u različitim, ali povezanim poljima projektovanja, kao što su urbanističko planiranje, arhitektonski dizajn, strukturni dizajn, građevinski dizajn, nadzor gradilišta, ili u polju zaštite kulturno-historijskog naslijeđa. Stečena titula Bakalaureat/inženjer arhitekture pruža izvrstan temelj za daljnju specijalizaciju.



4 godine/ 8 semestara



Bakalaureat-inženjer računarstva i inženjeringa



240 ECTS

**cs.ius.edu.ba**

+387 33 957 200



7,000.00 BAM

**Zašto studirati Računarske nauke i inženjering?**

Naoružajte se znanjem i vještinama iz matematike i logičkog zaključivanja, rješavanja problema i steknite detaljno znanje o računarskim sistemima i programiranju. Pohađajte predavanja iz širokog spektra disciplina, od ugrađenih sistema, bioinformatike, telekomunikacija, cyber sigurnosti, umjetne inteligencije, zdravstvene zaštite i mnogih drugih.

**Metode učenja**

Uključite se u praktični rad – prisustvujte sedmičnim vježbama u računarskim laboratorijama kako bi stekli tehničke i istraživačke vještine. Učenje kroz projekte, kao i časovi slobodnih umjetnosti, će vam pružiti ključne vještine timskog rada, pismene i usmene komunikacije. Možete sami oblikovati svoje studiranje tako što ćete odabrati svoje područje: umjetna inteligencija, računarska grafika, računarska vizija, računarska i mrežna sigurnost, bežične mobilne mreže, robotika i još mnogo toga. Na kraju ćete biti u mogućnosti primijeniti principe i praksu računarskih nauka u rješavanju različitih praktičnih problema.

**Karijera**

Možete se zaposliti u različitim oblastima razvijanja web aplikacija, računarske grafike, mrežne administracije, sigurnosti, računarskih sistema, baza podataka, bežičnih mreža i umjetne inteligencije. Stečena titula Bakalaureat/ računarskih nauka i inženjeringa također pruža izvrsnu osnovu za daljnju specijalizaciju.



4 godine/ 8 semestara



Bakalaureat-inženjer elektrotehnike i elektronike



240 ECTS



[ee.ius.edu.ba](http://ee.ius.edu.ba)



+387 33 957 200



7,000.00 BAM



### Zašto studirati Elektrotehniku i elektroniku?

Izučavajte dva glavna žarišta elektrotehnike. Pored obaveznih predmeta iz primijenjenih nauka, matematike i osnova elektrotehnike, možete odabrati i izborne predmete iz područja elektronike i ugrađenih sistema ili električne energije i sistema napajanja, te tako kreirati vlastiti put u karijeri.



### Metode učenja

Učite kroz analizu, dizajn, optimizaciju i upravljanje praktičnim inženjerskim sistemima. Budite nezavisni u učenju i nastavite svoj razvoj vlastitom brzinom. Praktična obuka u inženjeringu uključuje praktični rad u laboratorijama (elektronika, složeni sistemi, upravljački sistemi, elektroenergetski sistemi i telekomunikacije), razvijanje vještina u programiranju i upotrebi računara u inženjerskoj praksi, te sklonosti timskom radu i cjeloživotnom učenju.



### Karijera

Zaposlite se u kompanijama koje se bave dizajniranjem i održavanjem sistema i instrumenata za automatizaciju, u fabrikama kao profesionalno osoblje zaduženo za modernizaciju i unapređenje ili u javnim preduzećima, obično u oblasti telekomunikacija ili proizvodnje električne energije.



4 godine/ 8 semestara



Bakalaureat-inženjer genetike i bioinženjeringa



240 ECTS



[gbe.ius.edu.ba](http://gbe.ius.edu.ba)



+387 33 957 200



6,500.00 BAM



### Zašto studirati Genetiku i bioinženjering?

Savladajte integrisanu naučnu perspektivu koja sadrži osnove molekularne biologije, biohemije, genetike i ćelijske biologije, a sve se temelji na čvrstoj pozadini biologije, hemije, fizike i matematike.



### Metode učenja

Naučite kako primijeniti principe i metode inženjerskih nauka za proučavanje bioloških primjena i njihovih problema. Steknite inženjerske temelje sa naglaskom na primjeni biohemijskih procesa.



### Karijera

Pripremite se za karijeru u biotehnološkoj industriji. Pronađite zaposlenje u kompanijama povezanim sa biotehnologijom, medicinskom ili farmaceutskom industrijom i drugim pozicijama u industriji, trgovini i akademskim krugovima ili za nastavak vašeg formalnog obrazovanja na postdiplomskom studiju.



4 godine/ 8 semestara



Bakalaureat-inženjer mašinstva



240 ECTS



**me.ius.edu.ba**



+387 33 957 200



6,500.00 BAM



### Zašto studirati Mašinstvo?

Naučite da razumijete i analizirate različite oblike sistema (termoelektrane, bio-sistemi, domaćinstva, automobilska industrija, dronovi, itd.). Razvijte svoje matematičke i programerske vještine i steknite dobro znanje primijenjene fizike i materijala.



### Metode učenja

Upoznajte se sa simulacijom inženjerskih tehnologija, kao i potencijalima i ograničenjima takvih tehnologija. Fokusirajte se na energiju i aplikacije povezane sa energijom, od tehnologije konverzije do proizvodnje, transporta i skladištenja. Umjesto pamćenja činjenica ili savladavanja određenih tehnologija, naučite kako da konstantno napredujete. Pripremite se za stvarni svijet u kojem ćete biti spremni brzo uploviti u različita područja tehnike i prilagoditi se novim tehnologijama u nastajanju.



### Karijera

Zaposlite se u javnom ili privatnom sektoru, uključujući prerađivačku, automobilsku i avioindustriju. Razvijajte, proizvodite i dizajnirajte različite biomedicinske, računarske, elektroničke i energetske komponente. Učestvujte u proizvodnji i dizajniranju mašina i alata neophodnih za rad ovih industrija.



4 godine/ 8 semestara



Bakalaureat-inženjer softverskog inženjeringa



240 ECTS



**se.ius.edu.ba**



+387 33 957 200



7,500.00 BAM



### Zašto studirati Softverski inženjering?

Primijenite principe računarskih nauka i matematike u postizanju ekonomski efikasnih rješenja za softverske probleme. Steknite čvrst temelj za generalne ili specifične oblasti u području softverskog inženjerstva.



### Metode učenja

Razvijte znanje, vještine, metode, alate i procedure koje će vam omogućiti da proizvedete niz pouzdanih softvera. Uključite se u praktični rad - steknite tehničke i istraživačke vještine kroz sedmične vježbe u računarskim laboratorijama. Pripremite se za uspješnu karijeru - izgradite ključne soft skills pohađajući časove slobodnih umjetnosti, te kroz učenje zasnovano na radu na projektima. Bavite se svojim interesima u širokom spektru disciplina, uključujući ugrađene sisteme, bioinformatiku, telekomunikacije, cyber sigurnost, umjetnu inteligenciju, zdravlje i mnoge druge.



### Karijera

Zaposlite se u preduzećima, vladinim agencijama i neprofitnim organizacijama ili ostvarite karijeru kao freelancer. Specijalizirajte se u određenom domenu ili generalizirajte – ogromna je potražnja za obje discipline u poslovnom svijetu.

Bakalaureat/Magistarski studij/Doktorski studij

MAN

ECON

Bakalaureat/Magistarski studij/Doktorski studij



4 godine/ 8 semestara



Bakalaureat menadžmenta



240 ECTS

[man.ius.edu.ba](http://man.ius.edu.ba)

+387 33 957 400



7,000.00 BAM

**Zašto studirati Menadžment?**

Ovladajte znanjem i vještinama neophodnim da biste postali učinkoviti menadžeri. Trenirajte kako biste mogli povezati tačke i sagledati poslovne izazove iz različitih disciplina, s integriranom perspektivom. Razvijte poduzetnički način razmišljanja za stvaranje boljeg društva zasnovanog na etičkim principima. Uz rastuću globalnu konkurenciju, menadžeri moraju biti upućeni, konkurentni i inovativni. Naučite da potencirate individualnu inicijativu uočavanjem, vrednovanjem i hvatanjem prilika bez obzira u kojem ste polju.

**Metode učenja**

Ovladajte obaveznom osnovama u menadžmentu, ekonomiji i finansijama - otkrijte osnove marketinga, računovodstva, finansija, organizacije, poduzetništva, upravljanja ljudskim resursima i strateškog upravljanja. Njeguajte u sebi kreativnost i interdisciplinarni pristup kroz niz izbornih predmeta koji će nadopuniti vaše studije sa drugih programa kao što su psihologija, politologija, sociologija i međunarodni odnosi. Razvijte praktične menadžerske osobine, uključujući sposobnost timskog rada i upotrebe logike i različitih vrsta analiza za rješavanje problema, prezentacijske i komunikacijske vještine.

**Karijera**

Zaposlite se na rukovodeću poziciju u bankama, finansijskim institucijama, međunarodnim i lokalnim kompanijama, medijima i zdravstvenom sektoru ili u kompanijama koje se bave informacionim tehnologijama. Nakon stjecanja iskustva otvorite vlastitu kompaniju i postanite uspješan poduzetnik.



4 godine/ 8 semestara



Bakalaureat ekonomije



240 ECTS

[econ.ius.edu.ba](http://econ.ius.edu.ba)

+387 33 957 400



6,500.00 BAM

**Zašto studirati Ekonomiju?**

Naučite kako ekonomija funkcioniše. Razvijte numeričke i analitičke vještine neophodne za konstruktivnu upotrebu stečenog znanja. Pripremite se da odgovorite na pitanja kao što su kako maksimizirati profit firme koristeći se raspoloživim resursima i mogućnostima, koji faktori moraju biti uzeti u obzir pri odlučivanju kako iskoristiti krizu ili neuspjeh za nadoknadu itd. Preuzmite vodeću ulogu u društvu, državi i doprinesite dobrobiti ljudi.

**Metode učenja**

Razvijte vještine potrebne za makro ili mikro ekonomsku analizu i procjenu, formulisane i provedbu monetarne, fiskalne ili regulatorne politike. Kroz vježbu učite o tajnama strateške analize i temama kao što su računovodstvo, finansije i marketing. Razvijte niz prenosivih vještina koje će biti neophodne za vaše buduće zaposlenje.

**Karijera**

Pripremite se za karijeru u bankarskom sektoru, osiguravajućim kompanijama, tržištu nekretninama, proizvodnom i uslužnom sektoru, konsultantskim, vladinim i nevladinim organizacijama.

Bakalaureat/Magistarski studij



4 godine/ 8 semestara



Bakalaureat međunarodnog poslovanja i finansija



240 ECTS



**ibf.ius.edu.ba**



+387 33 957 400



6,500.00 BAM



### Zašto studirati Međunarodno poslovanje i finansije?

Izučavajte visoko inovativan program zasnovan na kreativnom spajanju dvaju naučnih područja: međunarodnog poslovanja i finansija. Steknite sveobuhvatno razumijevanje međusobnih odnosa u područjima međunarodnog poslovanja, finansija i globalne ekonomije, dok se isti ubrzano razvijaju u međunarodnom okruženju.



### Metode učenja

Steknite čvrst temelj teoretskog i praktičnog znanja iz međunarodnog poslovanja i finansija. Razvijte sposobnost da koristite pristupe i metode analiziranja specifičnih i složenih pitanja u području međunarodnog poslovanja i finansija. Bavite se širokim spektrom trgovinskih aktivnosti. Naučite kako da razumijete globalna poslovna pitanja, kako da se nosite sa finansijskim rizicima i izazovima sa kojima se suočava kompanija na globalnom tržištu. Usredotočite se na međunarodno poslovno okruženje, finansijska tržišta, multinacionalne korporacije, međunarodnu trgovinu, trgovinsku logistiku i trgovinsko finansiranje putem predmeta koje odaberete.



### Karijera

Pronađite zaposlenje u širokom spektru industrija, počevši od trgovačkih kompanija do institucija u finansijskom sektoru. Vaše znanje i sposobnost razumijevanja i rješavanja složenih globalnih poslovnih procesa će vam uveliko olakšati. Aktivno učestvujte u planiranju i finansiranju međunarodne trgovine i učestvujte u razvoju, stvaranju i isporuci proizvoda i usluga na globalnom tržištu.

Bakalaureat/Magistarski studij/Doktorski studij



4 godine/ 8 semestara



Bakalaureat međunarodnih odnosa



240 ECTS



**ir.ius.edu.ba**



+387 33 957 400



7,000.00 BAM



### Zašto studirati Međunarodne odnose?

Postignite čvrst temelj u polju međunarodnih odnosa i upoznajte glavne koncepte, pristupe i teorije na tom polju. Naučite analizirati, tumačiti i procjenjivati trendove u globalnoj i regionalnoj politici.

### Metode učenja

Naučite da interpretirate historiju, politiku, političku kulturu, ekonomiju i međunarodnu ekonomiju, uzroke i posljedice rata i uslove za mir, uloge glavnih međunarodnih sila i drugih zemalja. Otkrijte uloge koje igraju pojedinci i grupe u stvaranju međunarodnih sukoba ili saradnje. Specijalizirajte se za relevantnu disciplinu, u kontekstu evropskih ili geostrateških studija, ili tražite bliže interdisciplinarno ili tematski specijalizirano područje poput menadžmenta, ekonomije, društvenih i političkih nauka.



### Karijera

Birajte zaposlenje u različitim poljima poput diplomatije i novinarstva ili radite kao poslovni analitičar i stručnjak za vanjske poslove. Zaposlite se u javnom ili privatnom sektoru, regionalnim i međunarodnim organizacijama, kao i vladinom i nevladinom sektoru.





4 godine/ 8 semestara



Bakalaureat vizualnih umjetnosti i dizajna vizualnih komunikacija



240 ECTS



[vacd.ius.edu.ba](http://vacd.ius.edu.ba)



+387 33 957 300



7,000.00 BAM



### Zašto studirati Vizualne umjetnosti i dizajn vizualnih komunikacija?

Fokusirajte se na praksu i upotrebu novih tehnologija i softvera za grafički dizajn, animaciju i digitalno uređivanje. Razvijte konceptualne vještine oblikovanja ideja i komunikacije s publikom.



### Metode učenja

Obuhvatite sve bitne sadržaje iz predmeta historije umjetnosti, osnova vizualne komunikacije, teorije boja, 2D i 3D dizajna i tipografije. Odaberite predmete, fokusirajući se na jednu od dvije linije studija: grafički dizajn ili studije novih medija. Specijalizirajte se za odabranu oblast koja omogućava međudisciplinarno obrazovanje, kako biste bili svestraniji i uspješniji u svom profesionalnom radu. Kako program naglašava važnost projekata i rokova, a ne domaćih zadataka i testova, nastojte istaći svoju ambiciju i kreativnost. Budite aktivno uključeni u kreativne projekte i do kraja programa napravite portfolio svog rada.



### Karijera

Gradite svoju karijeru kao grafički dizajner, freelancer (rad od kuće ili vlastiti biznis), video i filmski urednik, animator. Zaposlite se u marketinškoj ili reklamnoj agenciji, televizijskoj stanici, časopisu ili novinama, e-izdavaštvu, postprodukcijskoj kući, filmskoj produkciji, u muzičkoj i zabavnoj industriji.



4 godine/ 8 semestara



Bakalaureat psihologije



240 ECTS



[psy.ius.edu.ba](http://psy.ius.edu.ba)



+387 33 957 300



7,500.00 BAM



### Zašto studirati Psihologiju?

Izgradite teoretske i praktične temelje koji vam omogućavaju da se razvijete kao istraživači i psiholozi. Naučite profesionalne vještine u procjeni, liječenju i intervenciji. Trenirajte kako biste identifikovali odgovarajuće načine za rješavanje psiholoških problema i razumjeli složenost psiholoških fenomena i ljudskog ponašanja.



### Metode učenja

Naučite istraživačke vještine kroz časove statistike, istraživačkih metoda i eksperimentalne psihologije (biološke, kognitivne, razvojne i socijalne psihologije). Razvijte vještine psihologa kroz primijenjene časove i praktično iskustvo (psihometrija, ličnost, zdravlje i klinička psihologiji). Nastojte steći integrisano razumijevanje principa koji upravljaju ljudskim ponašanjem i mentalnim procesima, te profesionalnu odgovornost za dobrobit drugih i društva.



### Karijera

Zaposlite se u raznim poljima kao što su obrazovanje, socijalni rad, marketing, ljudski resursi, mentalno zdravlje, pravni sistem, gerontološki centri i administrativni i istraživački odjeli.



4 godine/ 8 semestara



Bakalaureat engleskog jezika i književnosti



240 ECTS



[elit.ius.edu.ba](http://elit.ius.edu.ba)



+387 33 957 300



6,500.00 BAM



### Zašto studirati Engleski jezik i književnost?

Kontinuirano unapređujete svoje vještine učenja i istraživanja na engleskom jeziku, steknite prenosive vještine kao što su efikasna pisana i usmena komunikacija, računarska pismenost, vještine mrežnog istraživanja i analitičko razmišljanje.



### Metode učenja

Fokus na tri glavna polja: književnost, jezik i pedagogija. Istražite strukturu i istoriju engleskog jezika, glavne žanrove, historijski kontekst, važne pokrete, autore i djela, te različite kritičke pristupe književnosti na engleskom jeziku, sa fokusom na britansku književnost. Upoznajte različite nastavne pristupe, metode i stilove, te vježbajte nastavu engleskog jezika kao drugog jezika.



### Karijera

Ostvarite karijeru nastavnika engleskog jezika, prevodioca, pisca, predavača, urednika, novinara, sudskog tumača, menadžera projekata, službenika za odnose s javnošću i slično.



4 godine/ 8 semestara



Bakalaureat politologije i sociologije



240 ECTS



[sps.ius.edu.ba](http://sps.ius.edu.ba)



+387 33 957 300



6,500.00 BAM



### Zašto studirati Društvene i političke nauke?

Izučavajte eklektičnu kombinaciju historije, filozofije i sociologije kako biste postali politički analitičar ili javni službenik sposoban analizirati trenutni politički kontekst na više nivoa. Steknite vještine koje su vam potrebne da se snađete u složenom svijetu politike.



### Metode učenja

Steknite i teoretsko i praktično znanje kroz stažiranje, kao i posjete lokalnim institucijama i međunarodnim organizacijama s kojima je IUS uspostavio saradnju. Budite aktivno uključeni u analizu razvoja i funkcija vlade, javnih politika, političkog ponašanja pojedinaca i grupa, socijalnih ustanova i historijskih procesa.



### Karijera

Odaberite karijeru političkog analitičara, šefa ureda, administrativnog asistenta, sekretara, predstavnika službe za korisnike, koordinatora nevladinih organizacija, srednjoškolskog nastavnika, operativnog menadžera, voditelja projekata, stručnjaka za vladine poslove, proračunskog analitičara, menadžera kampanje, korporativnog analitičara, korporativnog savjetnika za odnose s javnošću, ekonomiste, menadžera, urednika novina i časopisa, službenika u vanjskim poslovima, službenika za međunarodne odnose, političkog komentatora, analitičara javne uprave ili javnog mnijenja.



4 godine/ 8 semestara



Bakalaureat prava



240 ECTS



[flw.ius.edu.ba](http://flw.ius.edu.ba)



+387 33 957 485



7,000.00 BAM



### Zašto studirati Pravo?

Postanite stručnjak za zakonodavstvo na nacionalnom i međunarodnom nivou. Budite sposobni da riješite probleme, kombinujete praktične vještine sa akademskom vizijom, te postanite spremni da radite u javnom i privatnom sektoru u svojoj zemlji ili na međunarodnom nivou.



### Metode učenja

Budite pravnik otvoren za inovacije, aktivno pratite napredak u društvenim odnosima, te budite sposobni da uskladite nacionalno zakonodavstvo sa međunarodnim pravom. Budite pravnik sposoban da koristi barem jedan strani jezik i informacione tehnologije za efikasnu komunikaciju sa svojim kolegama iz različitih dijelova svijeta. Budite pravni stručnjak koji njeguje kulturu prava, ima razvijen osjećaj za pravdu i etičke vrijednosti, te smatra ljudska prava vrijednošću. Pored obaveznih predmeta kao što su ustavno, građansko, krivično i privredno pravo, javno pravo EU i privatno pravo EU, izučite specijalizovana područja prava finansijskih institucija, zakona o informacionim tehnologijama, zakona o životnoj sredini, ljudskih prava i mnogih drugih.



### Karijera

Nakon stjecanja praktičnog znanja o radu suda i tužilaštva, privatnim i javnim preduzećima, advokatskim kancelarijama, notarskim uredima i različitim agencijama, zaposlite se u državnoj službi, javnim preduzećima i relevantnim institucijama.



5 godina/ 10 semestara (Integrirani studij)



Magistar engleskog jezika i književnosti – *nastavnički smjer*



300 ECTS



[elt.ius.edu.ba](http://elt.ius.edu.ba)



+387 33 957 205



6,500.00 BAM



### Zašto studirati Engleski jezik i književnost – nastavnički smjer?

Naučite teoriju, principe i prakse podučavanja engleskog kao drugog stranog jezika. Spoznajte sofisticiranu pristupe pedagogiji drugog jezika i teorije učenja te podučavanja drugog jezika.



### Metode učenja

Primijenite metodologiju i istraživanje u praksi na inovativne i kreativne načine, naučite se prilagođavati određenim obrazovnim kontekstima i podučavajte učenike svih dobnih skupina i nivoa. Osposobite se da kreirate nastavni program i vlastite nastavne materijale. Kontinuirano poboljšavajte jezičke i istraživačke vještine kroz kurseve jezika i književnosti. Steknite prenosive vještine kao što su učinkovita pisana i usmena komunikacija, računarska pismenost, vještine online istraživanja i analitičko razmišljanje.



### Karijera

Zaposlite se u javnim ili privatnim školama i institucijama kao nastavnici engleskog jezika. Ostvarite karijeru prevodioca, pisca, predavača, urednika, novinara, sudskog tumača, menadžera projekata, službenika za odnose s javnošću i slično.



5 godina/ 10 semestara (Integrirani studij)



Magistar računarskog obrazovanja i informacijskih tehnologija



300 ECTS



[ceit.ius.edu.ba](http://ceit.ius.edu.ba)



+387 33 957 200



6,500.00 BAM



### Zašto studirati Računarsko obrazovanje i obrazovne tehnologije?

Savladajte tehničke vještine u informacionim tehnologijama i naučite metodologiju obrazovanja, pedagogije, komunikacije i psihologije. Naučite poboljšati efikasnost obrazovnih procesa svih vrsta, upravljati obrazovnim računarskim sistemima i platformama, procjenjivati aplikacije na tržištu iz pedagoške i dizajnerske perspektive, podučavati računarsku i internetsku pismenost, kao i napredne računarske aplikacije za pojedince svih starosnih grupa.



### Metode učenja

Savladajte načine za rješavanje složenih problema u oblasti informacionih tehnologija, za predstavljanje složenih koncepata u oblasti IT-a i uspostavljanje veza između teorijskog i praktičnog znanja u području IT-a, obrazovanja, psihologije i drugih relevantnih disciplina.



### Karijera

Zaposlite se u kompanijama za razvoj softvera, obrazovnim institucijama, institucijama za učenje na daljinu, jedinicama za obuku uz pomoć računara, jedinicama za razvoj projekata zasnovanim na online istraživanjima itd.



5 godina/ 10 semestara (Integrirani studij)



Magistar turskog jezika i književnosti – *nastavnički smjer*



240 ECTS



[tlt.ius.edu.ba](http://tlt.ius.edu.ba)



+387 33 957 205



6,500.00 BAM



### Zašto studirati Turski jezik i književnost – nastavnički smjer?

Steknite osnovna znanja iz metodike predavanja i učenja turskog jezika i književnosti. Usvojite vještine budućeg predavača kroz izučavanje savremene metodike i edukacijske psihologije. Upotpunite svoje znanje o turskoj historiji i kulturi.



### Metode učenja

Unutar studijskog programa, osim fundamentalnih disciplina jezika i književnosti, izučavaju se i savremene pedagoške discipline, metodologije nastavnog procesa, te lingvističke i komunikacijske vještine. Fakultet nudi napredni interdisciplinarni pristup nastavi, učenju, istraživanju i praksi.



### Karijera

Nakon stjecanja diplome studenti su spremni za karijeru nastavnika ili profesora turskog jezika u državnim, javnim ili privatnim, školama i ustanovama.

# KAKO POSTATI STUDENT IUS-A?

## Potrebni dokumenti za upis

Za upis u prvu godinu prvog ciklusa studija na IUS-u, kandidati državljani Bosne i Hercegovine su obavezni dostaviti sljedeće dokumente:

1. Upisni formular (dostupan na web stranici ili u Studentskoj službi IUS-a);
2. Original i ovjerena kopija diplome o završenoj srednjoj školi;
3. Originali i ovjerene kopije svjedočanstava od I do IV razreda srednje škole;
4. Izvod iz matične knjige rođenih;
5. Uvjerenje o državljanstvu;
6. Dvije fotografije veličine 6x4;
7. Ljekarsko uvjerenje;
8. CIPS potvrda o mjestu prebivališta;
9. Nostrifikacija/ekvivalencija diplome za kandidate koji su stekli srednjoškolsko obrazovanje izvan Bosne i Hercegovine ili potvrda da je postupak nostrifikacije/ekvivalencije po njihovom zahtjevu pokrenut. U izuzetnim slučajevima, kandidat se može uslovno upisati prije izvršene nostrifikacije/ ekvivalencije diplome.

## Stipendije i školarina

Stipendija se može ostvariti putem testiranja koja se održavaju više puta godišnje u periodu od marta do jula. Najuspješnijima se dodjeljuje stipendija/popust na školarinu u iznosu od 10% do 100%. Testiranja su na bosanskom jeziku, besplatna su i mogu im pristupiti maturanti svih četvorogodišnjih srednjih škola iz BiH i okolnih zemalja. Sve informacije o testu kao i registracija za isti se vrši putem sljedećeg linka: **[stipendija.ius.edu.ba](http://stipendija.ius.edu.ba)**.

Visina školarine za godinu dana studija na IUS-u je utvrđena za svaki studijski program pojedinačno. Više informacija o cijenama se može pronaći na web stranici Univerziteta.

Plaćanje se vrši žiralno na jedan od sljedeća dva načina: gotovinski (uz koji se dobiva dodatni popust od 5%) i putem beskamratnog kredita Ziraat banke (do 10 rata godišnje).



# SEDEF

Fondacija za razvoj obrazovanja  
[www.sedef.ba](http://www.sedef.ba)



INTERNACIONALNI  
UNIVERZITET U SARAJEVU





INTERNACIONALNI  
UNIVERZITET U SARAJEVU

[www.ius.edu.ba](http://www.ius.edu.ba)

 Hrasnička cesta 15, 71210 Ilidža, Sarajevo, BiH

 (+387) 33 957 101/116/118/175

 [admission@ius.edu.ba](mailto:admission@ius.edu.ba)